

مجموعه سنون

از

جمعیت علمیه عثمانیه

برنجی پنه

ماه رمضان

نومرو ۱

استانبول

یکی جامع جوارهند واقع چچک بازارنده جمعیت علمیه عثمانیه
مطبعه سنده طبع اولمشدر

۱۲۷۹

(خلاصهٔ پولیتیکه)

انگلتره

انگلتره دولتی طرفندن مؤخرأ من غیر رسم رومایه کوند رلمش
اولان موسیو اودوروسلک پارلمنتویه تقدیم ایلدیک ی تحریر اتده
حشمتلو پایا حضرتلری لدی الحاجه مالطه یه ویا خود انگلتره
ممالکندن اخر بر محله چکلمک مراد ایدر ایسه انگلتره دولتک
بوکا موافقت ایدوب ایتیمه جکی اول امرده مشارالیه پایا سئوال
واستزاج ایدوب کندوسی دخی موافقت اولنور جوانی ویرمش
اولدیغی کوسترلش و کیفیتک پارلمنتویه بوصورته عرض اولندیغی
پایا طرفنه منعکس اولدقده وقوع حال بوبله اولمیوب پایانک
من بعد روماده اقامتی مشکلات عظیمه یی انتاج ایده جکندن
بمحله اگر مشارالیه حضرتلری مالطه یه چکلمکی اختیار ایدر
ایسه کمال بمنویته قول اولنه جغنی دولتی طرفندن اولمق
اوزره ابتدای امرده موسمی الیه اودوروسل تکلیف ایتش
وپا دخی اشبوتکلیف دوستانه دن طولای ابراز تشکر له شمیدیک
رومان مباحثتی اویه میه جغندن ایجابی تقدیرنده انگلتره
دولتک تکلیفی قبولدن استکاف ایتیمه جکی جوانی ویردیکی
بیانیله مأمور موسمی الیه ک وقوعبولان روایتی تکذیب و دولتی
طرفنه وقوع حالک خلافتی عرض ایتش دیواتهام اولنه رق
کندوسیه قطع مخابره قلمشد ر .

لهستان مسئله سی حقنده انگلتره دولتک اتخاذ ایده جکی مسئله ک

اسیضا حده دائر پارلمنتوده لورد النبوزو طرفندن وقوعبولان
سواله لورد جون روسل جوابه ابتدار ايله لهستانك احوالنى شرح
وايضا حدن صكره روسيه لوبعده لهستانى دخواهى اوزره
پايمال ايلكه وسيله اولق ايچون قصدأ اختلاله بادی اولديغى
وچكن شباطك سكرنده روسيه ايله پروسيا بيننده عقد اولنان
عهدنامه اقتضا سنجه پروسيا دولتى بويابده بيطرف قاله ميوب
فقط اوستريا دولتى بيطرفلى اعلان ايلديكى وانكلتره دولتلك بويابده
اتخاذ ايده جكي پوليتيقي مطالعات عمقديه محتاج بولنديغى
خصوصى لرني بالتفصيل بيان ايلمشدر .

مؤخرأ مشار ايله لورد جون روسل لهستانك مقاسمه اخيره سى
اثناسنده ۱۸۱۵ سنه سى معاهده سنى امضا ايتمش اولان دولتره
متحد المال برر قطعه مذكره ارسال ولهستان اختلالى اوزرينه
روسيه دولتلك اجرا ايلديكى معاملات شديد دن بختله معاهده
مذكوره احكام سنجه لهستانك نائل اولديغى حقوق امتيازیه نك
ظاهره اخراجى ضميمه دول مشار اليهم جانندن توسط اولمى
لزمى اخطار و بيان ايلمشدر . بويابده اسوج و پورتگيز
دولتلى طرفندن موافقت كوسترلمش ايسده دول سائر نك
نه يولده حركت ايده جكلرى هنوز معلوم دكلدر .

پرنس دوغال ايله پرنس آلکساندرانك تزويجلى مارتك
اون ايكنجى كوني ويند ضرور سراينده اجرا اولمشدر .

فرانسه

فرانسه مبعوثان ملت مجلسك حين كشدنده ايمپراطور طرفندن
 ايراد اولنان نطق رسمي اوزرينه مجلس مذكور دن تنظيم اولنان
 جوابنامه نك ايمپراطور پوليقيته سي عليهنده بولنان بعض اعضا
 كند و افكار لرينه موافق صورتده اولسنده چالشمش ايسده اعضاي
 سائره موافقت ايتمه رك ايمپراطور ك مسلكني تحسين واديسنده
 يازلمش و ايمپراطور مشاراليه دخي مسلك متخزينك ملت مجلسي
 افكارينه توافقي فرانسه ايله حكمداري بيشنده چاري اولان حسن
 اتفاقك دليلي اولديغي بيانيله مجلس مذكوره ابراز ممنونيت ايلشدر
 ايمپراطور مشاراليه طرفندن ماه شباط اوائلنده جزاير واليسي
 مارشال پليسيه يه خطاب بايزيلان تحريراتك خلاصه مألنده
 جزاير قطعه سي فرانسه مها جرينينه مخصوص اوليوب حقيقت
 حالده برعرب ملكتي ديمك اولديغدن فرانسه دولتي جزاير اصول
 اداره سنك و على الخصوص اراضى حقوق تصرفيه سنه دائر نظاماتك
 غير بلر حقننده دخي مساعد صورتده تعديل و اصلاح نيشنده
 بولنديغي جهتله مسكئلى معلوم اولان قبائل و عشايرك
 هر نه نام و صورتله اولور سده اولسون من القديم متصرف
 اولدقلى اراضينك من بعد اليرندن تزع اولنماق اوزره انلره
 تملكى اساس اتخاذا و لغق شرطيله بر نظامنامه تنظيمي خصوص سنك
 سنا مجلسنه حواله قلنديغي بيان اولنمشدر .

بونك اوزرينه جزايرده بولنان فرانسه مها جريني طرفندن
 تنظيم و مجلس مذكوره تقديم اولنان عرضحالده جزايرجه

اجراسی لازم کلان اصلاحات بیان و تعداد اولندقدن صکره
شمدی به قدر فرانسه دن جزایره هجرت ایدنلره اراضی اعطاسیله
تشویق اولنوب حالبوکه اولوجهله عربلره اراضی تملکی حقوقی اعطا
اولندرق اراضینک دولت الندن چیقارلسی فرانسیزلرک
بوندن بویله جزایره هجرته عدم رغبتلرینی منتج اوله جغندن
بشقه اشبو اراضی تملکی سیبیلله عرب مشایخی باشلرینه برطاقم
ادم لرجع ایدرک فرانسه علیهنده بولملری ملحوظ اولدیغنه دائر
بعض محاذیر ابراد اولمشدر . مسئله مذکوره مجلس مزبورده
دردست تدکر اولوب نصورتله حل اولنه جفی هنوز معلوم
اوله مامشدر .

فرانسه دولتی طرفندن لهستان مسئله سنه دائر روسیه دولته
بعض محررات کوندریلوب بونلرک خلاصهٔ مألنده پروسیالیله
روسیه بیننده منعقد مقاوله نامه احکامی علی العموم ظن اولندیغی
کبی ایسه دولتین بیننده صحیحاً عقد اتفاق اولنش دیمک اولوب
هیچ بردولت ایسه حقوق بیطرفی بی اخلال ایتش اولمقسزین
لهستان علیهنده روسیه به معاونت ایده میه جکی ولهستان
اختلالی اوروپایی اشغال ایده جک درجه کسب جسامت
ایدرا یسه شو حالک برطرف اولسی ایچون دول معظمه طرفندن
بالاتفاق روسیه دولته بعض تکلیفات وقوع عبوله جفی محررا ولدیغی
مرویدر . بودفعه ۱۸۶۲ سنه سی موازنه دفترینه ذیل اولمق
اوزره سنا مجلسنه تقدیم اولنان دفترده مکس قسام مسئله سندن
طولایی سنه مذکوره ده فرانسه دولتک سکسان میایون فراتق
مصارفی وقوع عبولدیغی کوستر لمشدر .

پروسیا

پروسیا مبعوثان ملت مجلسی طرفندن رد اولئان موازه
 دفترى اصلزادگان مجلسنده قبول اولئمشر . دولت مشارالیه
 ایله روسیه بینده شباطک سکرزنده عقد اولئان معاهده ناک
 مواد معلومه سی لهستان عصا تنی تعقیب ایچون روسیه اردوستک
 پروسیا حدودینی تجاوززه مأذون اولسی و پروسیا عسکری دخی
 لهستانک روسیه یه تابع اولان قطعه سنه کچدرک روسیه لوزله بالاتفاق
 عصاة علیهنده حرکت ایلسی خصوصلرندن عبارت ايسده بعض
 شرائط مکتومه سی دخی اولوب بونلرده مسئله مجحوث عنها
 حقنده دول سائر طرفندن قولاً وفعلاً مداخله وقوعی
 تقدیرنده دولتینک التزام ایده جکلری مسلکه دائر اولدیغی
 مرویدر .

پروسیا ملت مجلسنده لهلو بولئان اعضا لهستاندن پروسیا
 تحت اداره شده بولئان پوزن ایالتی والیسی طرفندن اهالی یه
 وقوعبولان اعلانات خصمانه ناک سببی وکلادن سؤال
 ایتدکلرنده باش وکیل موسیویس مارق لهلولرک قالقشملرندن مقصد
 لهستانی برلش دیروب بر دولت مستقله تشکیل ایتک قضیه سی
 اولوب بوماده ناک ايسد پروسیایه طوقنه جنی درکار اولدیغی
 حالده حکومت طرفندن پوزن ایالتهنده بعض مرتبه اختلال
 اماره لری حبس اولمش و پروسیا دولتک هر نقدر لهلو بولئان
 تبعه سنک صداقتنه وثوق واعتمادی وار ايسده بونلری روسیه
 لهستانندن ایالت مذکوره یه هجرت ایتش اولان اصلزادگان ایله

رؤسای روحانيہ طاقٲك اغلال و افساد ايلملری ملحوظ
اولد يغدن اساسش عومي يي اغلال ايده ييله جٲك بركونه حال
و حرٲك مشاهده اولنور ايسه در عقب تسٲكينه سعي اولمنسه
قرار و يرلمش و حكومت طرفدن پوزن اياٲتي اها لېسنه وقوعبولان
اعلانات دخی حس اولسان بعض اغلال اماره زننده نشأت
ايتشد ر جواني و يرمش ايسده مجلسي اقناع ايده مامش اولديغي
برقاچ كون صكره سربسٲ طرفداراني جانبندن مجلس مذكوره
لهستان مسئله سي ايچون پروسيا دولتي حقنده مسلك يي طرفي
الترام اولمنسي خيرلو اولديغدن بحشه نه روسيه دولته
ونده لهستان عصاتنه معاونت طرفنده بوللماسي وسلاحبريني
تسليم ايتد كچه طرفيندن هيچ بر كيمسه يه پروسيا حدوديني
تجاوزه رخصت و يرلماسي خصوصنه دائر وقوعبولان
تكليفاتك قبول و تصديق اولمنسندن استدلال اولنور پروسيانك
لهستان حقنده اتخاذا ايلديكي پوليٲيقه هر نقدر ملت
مجلسي طرفدن تقبيح اولمنقه ايسده اصلزادكان ايله عسكري
طاقى بويابه دولت ايله متفق اولدقلى اكلا سيليور .

لهستان

لهستانده آتش اغلال كٲد كچه اشتعال ايدوب روسيه دولتي
بويابه عسكرينك چوقلغنه دخی استناد ايده ميه جٲك در جديه
كلمش واهالى حقنده غضب و غارت و سائر درلو شدت كوسترلك

اوزره عسکرینه مرخصیت کامله ویرمشد. عساکر مذکوره نك
ارتکاب ایتدیکی انواع مظالم و تعدیاته دائر اورو پاغزته زنده پك
چوق تفصیلات وارایسده مجموعه مزك تسملی اولمديغدن
نقل و بیاندن صرف نظر قلمشدر. بین الاهی تشکیل اولنان
بر جمعیت ملیه لوازم حریه یی ترتیب و تنظیم و کندولرینه منضم
اولق اوزره خارجدن کلان اشخاصی سلك عسکر یلرینه
ادخال ایتکده در. عصاة اردو سنك اکثریسی دارالفنونلردن
چیقمش دایقانلوردن مرکب اولوب فقط بونلر شجاعت ذاتیلرینك
دشمنه مقابله یه وافی اولمديغنی اكلا مش اولدقلردن کونبکون
اصول عسکریه یی تعلم ایله کسب انتظام ایتکده درلر. اشبو
اختلاک باشلوجه سبی اولان عسکر تحریری ماده سنه مجرد
لهلولری ازعاج ایله عصیان مجبور ایتك و بویهانه ایله قهر
و تکیلاری اجرا قلمنی مقصدیله تشبث اولندیغنی بودفعه قراقوده
اله کچمش اولان بعض تحریرات خفیه دن اكلا شلمشدر. پودولی
وولهنی ایالتلری دخی بوکره تحت محاصره یه الیمشدر.
وارشاوده دولت و مملکت مجلسلری اعضاسی شمدی یه قدر
صورت انقیاد و اعتدالی التزام ایتمش اولدقلری حالده بودفعه
استعفا ایدرك عصاة طرفته میل و انجذاب کوستر مشارددر.